



ATASSUT INATSIARTUNI

ATASSUT

UKA 2013/139

Knud Kristiansen

20.11.13

Qaffasissunik atorfillit suliunnaarsitaangaangamik imal. soraarsitaangaangamik (Gyldne håndtryk) aningaasarpassuarnik pissarsisinneqartarnerata nunatsinnut naleqqutinngittup allanngortinneqarnissaa siunertaralugu oqallinnissamik siunnersuut.

(Inatsisartunut ilaasortaq Randi Broberg, Partii Inuit)

Namminersorlutik Oqartussat suliffeqarfiutaasa ingerlatseqatigiiffittut ingerlasut niuernermit ingerlatsineq pitsaasoq aammalu ingerlatseqatigiiffinni taamaattuni malittarisassat tunngavigalugit atorfinitsitsisoqartarsimassasoq ATASSUT-mit naatsorsuutigilluinnarparput.

Kialuunniit qaffasissumi atorfinittussap suliffigiligassaatalu akornanni isumaqatigiissuteqartoqartarpoq, taamaattoqarneranilu naalakkersuinikkut akuliuttoqarneq ajorpoq, taamaallaat Naalakkersuisut piginnittut sinnerlugit ingerlatseqatigiiffinnut piumasaaqateqartarput aammalu Naalakkersuisut pisussaaffeqarput inuiaqatigiit sinnerlugit piginnittut nakkutilliissallutik.

Matumani oqallisissiamik siunnersuuteqartup paasiuminaatsillugu ujartugaa innuttaaqatigiit akornanni paasiuminaatsinneqartarpoq ATASSUT-mit arajutsisimangilarput, oqaatigeriikkatsitulli sulisitsisut sulisussallu akornanni isumaqatigiissutit tunngavigalugit atorfeqarnermi soraarnermilu pisinnaatitaaffiit pisussaaffiillu isumannaarniarneqartarput.

ATASSUT-millu naatsorsuutigilluinnarparput naapertuutinngitsumik pisoqassagalarpat Naalakkersuinermit suliaqartinit arajutsineqarnaviangitsut, siulersuisummi pisussaapput piginnittunut eqqortumik ilisimatitsissallutik.



ATASSUT INATSIARTUNI

Tassa ATASSUT-mit naatsorsuutigilluinnarparput Namminersorlutik Oqartussani suliunnaartoqaraagat, soraarsitsisoqarneraniluunniit isumaqatigiissutit atuuttut aallavigalugit periuseq malinneqartartoq, taamaasillunilu immikkut aningaasarpassuarnik aningaasarsisitsisoqartarneq atuutinngitsoq.

Oqallisissiami pineqarnerugunarpoq suliffeqarfiit aktieselskabit, taakkunanilu siulersuisut piginnaatitaaffeqarput isumaqatigiissuteqarsinnaanermik. **Matumanilu eqqaasitsissutigissavarput suliffeqarfiit ingerlatseqatigiiffittut ingerlasut siulersuisuisa akisussaaffigimmassuk ingerlatseqatigiiffiit pitsaasumik ajunngitsumillu ingerlanissaat qulakkiissallugu.**

ATASSUT-miit isumaqarpugut, nunatta nunarsuarmioqatitsinnut unammillersinnaanissaani aamma pisortat qanoq akissaateqarnissaat pillugu apeqqut pingaartorujussuusoq.

Kiisalu nunatta nammineeriartuinnarnerani atorfinni taamak qaffasitsigisuni aammalu taamak akisussaaffeqartigisuni akissaatit pitsaasuunissaat avaqqunneqarsinnaanngitsoq.

Taamatuttaaq pisortat pikkorissut, piginnaasaqarluartut nunatsinnut soqutiginnilersinneqarnissaannut, nunatsinnilu kalaallit pikkorissut pisortatut sulilu qaffasissunik ilinniarusunnissamik annertusaatit akissarsiat akisussaaffimmut naapertuuttut atuuttariaqartut ATASSUT-mit isumaqarpugut.

Taamaattorli ATASSUT-miit oqaatigissavarput, taamatut isumaqatigiissutit iluini akissaatit assigisaallu naapertuuttuusariaqartut isumaqaratta.

Naalackersuisut akissuteqaataat isumaqatigaarput, tassalu aktiaateqarluni ingerlatseqatigiiffinni Namminersorlutik Oqartussat, tamakkiisumik ilaannakortumilluunniit pigineqartuni siulersuisut akissaasersuinermit tunngasutigut erseqqissumik politikkeqarnissaat tamatigut isumannaarniagassaasoq.

Taakkuupput oqallisissiamut matumunnga oqaatigiumasagut.